

debita, quamvis non adeò rigorosa, quemadmodum illi, qui actualiter unguibus rapacibus bona furto abstulerunt. 5. Species est, **Permissio**, quando quis permittit, ut effectus intentus producat, estque hæc permissio varia, (*a*) non **impeditionis**, ut si quis non aliquid impedit, quod impedire poterat ac debeat. Hujus enim impeditionis intermissio designat eventum ortum, ex intermissione non impediendi per quam ipsi esse gratum atque acceptum, eo quod potuisset & debuisset impedire, reapse tamen impeditionem præstare noluit, duo autem præprimis ad hanc **Causam Moralem** non obstantem seu non impediendam requiruntur. Primò, ut effectum impedire potuerit. Deinde, ut impedire debuerit, & ad impediendum præcepto quodam obligatus fuerit. v. g. si flamma ardens, in ædificii alicujus suborereur capnodochio, & vicinorum quidam, hujus flammæ lucem conspicuens, non tamen eandem extinguens, cum potuerit, & debuerit, ex lege vicinitatis, quæ vult, ut in ejusmodi casibus valde noxiis alter alteri pro viribus ferat suppetias, merito **Causa Moralis** oborti incendii & conflagrationis hujus ædificii nominari possit, eo quod hanc desolationem incendii, eamque consequutum, detrimentum impedire in suis positum fuit facultatibus, si verò alterutrum horum deest, **Causa Moralis** nõ est nec ei de jure imputatur effectus v. g. si lapsurus ædibus ruinosis quis subvenire, ruinaque statim adhuc & justo tempore restaurare posset, interim verò ruinam impedire repudiat, ob id, quod nulla lege ad hoc teneatur adstrictus, collapsionis ædium, si casu eveniat, non est causa moralis, propterea quia nullo præcepto ad reparationem harum est devinctus. Eximuntur itaque è Catalogo **Causæ Moralis** ii, qui ex ignorantia effectum non impediunt, cum alias possint & debeant, nec non voluissent impedire, si periculum præscire potuissent. Porro eximuntur quoque ii, qui ex Impotentia effectum non impediunt. Sicut enim qui eventum non impediverunt ex eo, quod ad eum impediendum non fuerit obstricti, pro effectus **Causa Morali** venditari nequeunt, ita multò magis **Causæ Moralis** complexum ac comprehensionem respuunt, qui illum non impediverunt, cum non potuerunt, nam ad impossibile

possibile